



Presentacion di e buki "Tanten tin" di Sr. Wini Poulo na Biblioteca Nacional



ORANJESTAD (AAN): --- Relaciona cu e re-apertura di Biblioteca Nacional a tuma lugar presentacion di e buki di proverbio "Tanten tin" di e escritor di Corsow Sr. Wini Poulo. Ademas Sr. Poulo ta escritor di e buki nan 'Doshen kònòpi....un kabuya' y 'Palo pa garoti'. E buki 'Tanten tin' ta un obra cu 200 expresion, palabra y proverbio. Cu e buki



aki Sr. Wini Poulo kier muestra e forma con hende grandi sa expresa nan mes, bisando algo clave of profundo den un forma simpel y cu poco palabra. Sr. Poulo a escoge e titulo 'Tanten tin' pasobra esaki riba su mes ta expresa hopi. Sr. Poulo a biaha for di Corsow pa Aruba den cuadro di e re-apertura di edificio



central di Biblioteca Nacional den G. Madurostraat. Ademas Sr. Marchena a duna un concierto di musica clasico di entre otro Mozart, Bach, Verdi, Brahms, Schubert, Kreisler, Sor y su propio composicionnan riba su sonfonia di boca y cuarta. Sr. Marchena tin diferente CD entre otro 'A joy-



ful Christmas', 'Un brindis pa bida' y 'La magia del bolero'. Jules Marchena a nace na Aruba y ta un persona hopi musical kende for di su 5 aña caba el a siña su mes toca harmonica. Semper e tabata tin un bon memoria pa melodia y e por a improvisa melodia hopi

lihe. Sr. Marchena a relata cu tempo cu e tabata hoben, e no tabata mira su mes como un persona cu talento musical pero mas bien como un escritor cu un pasion pa e genero di 'Western novels', storia di cowboy. Cu añanan Sr. Marchena a desaroya su talento musical mas. Un y tur ta bon bini pa gosa di un presentacion di Jules Marchena na biblioteca. Sr. Jules Marchena a duna un workshop 'Skirbi cuenta cortico'. Un participante a comenta cu e contenido tabata hopi interesante y cu Sr. Marchena a muestra e puntonan mas importante pa tene cuenta cu ne ora di skirbi un storia cortico y tambe nan a haya e encargo pa skirbi e 'climax' y 'solucion' di un storia cortico pensa na e momento ey.